

Årsmelding Volda rideklubb 2022



Styret i 2022 bestod av:

Leiar: Edle Holmin
Nestleiar: Liv Jorunn Nyhagen
Kasserer: Linn Wangen Mork
Sekretær: Ida Kristine Standal Eikrem
Styremedlem: Helen Rossetvik
Styremedlem: Åse Sætrevik
Varamedlem: Kristin Mathiesen
Ungdomsrepresentant: Anna Marie Wangen Mork

Det vart gjennomført 10 styremøter i løpet av 2022. I tillegg har vi hatt ei aktivitetsgruppe.

Aktivitetsgruppa

- Liv Jorunn Nyhagen
- Toril Sørheim
- Maria Therese Slettebakk
- Åse Sætrevik
- Marit Greve (mot slutten av året)

Treningar og stemne



Vi har hatt eitt køyre- og ridekurs for Gunnar Bruland, og treningshelgar for Maria Hagen, Wenche Johannesen og Trude Vaslestad. Vi har også hatt klubbtreningar for Anja Kirketeig, Liv Jorunn Nyhagen og Ida Kristine Standal Eikrem.

I løpet av 2022 har vi hatt to klubbstemner i sprang og to D-stemner i dressur. Klubben sine medlemmar har også representert VRK på stemner fleire stader.

Meisterskapsresultat



Fjordhest NM: Liv Jorunn Nyhagen/Soltuns Trym, Hedda Ose/Tyrijenta og Marina Solvang/Hera representerte VRK under Fjordhest NM i Førde. Soltuns Trym vart der kåra til Beste Unge Fjordhest 6 år, og tok bronse i Senior NM. Tyrijenta og Hera fekk med seg nyttige erfaringar. Hera deltok i Beste Unge Fjordhest 4 år, men oppnådde ikkje plassering der.



KM dressur: Liv Jorunn Nyhagen/Pokemann og Anna Aasen/Heggnes Line representerte VRK under KM dressur i Førde. Laget til VRK kom på 4.-plass i lag-KM, og Liv Jorunn/Pokemann tok bronse i KM senior.

Rekruttering



Rideklubben hadde 142 medlemmar i 2022. 61 av medlemmane var under 16 år. 30 personar betalte anleggsleige i 2022. Vi arrangerte juniorrideleir støtta av Magne Haugens minnefond på sommaren, og ein rideleir støtta av Gjensidigestiftelsen på hausten. Vi har også tilbydd nokre ridekurs for juniormedlemmar, og eit ridekurs for vaksne.

Ridehall



Varmerommet i ridehallen vart ferdig og klart til bruk til D-stemnet i påska, etter iherdig innsats frå fleire medlemmar. Det er framleis litt småplukk som står att, men rommet har vore mykje brukt gjennom året. I løpet av året fekk vi også starta på rekkverket på taket, slik at folk trygt kan ferdast der. Dette arbeidet er enno ikkje ferdigstilt.

Etter råd frå Stallmesteren, blanda vi inn finare sand i underlaget i ridehallen, for å få det til å sette seg betre. Dette ser ut til å ha fungert godt. Hallen har vore mykje i bruk, sommar som vinter, det siste året.

Klubbstall



Alle dei ti boksane har vore utleigde på fast basis gjennom heile året, og vi har også hatt inn ekstra leigetakarar i kortare periodar, til dømes i beitesesongen. I løpet av sommaren fekk vi endeleg ferdig paddockområdet bak stallen/hallen, og hestane kunne få flytte inn i sine permanente paddockar. Dette

frigav mykje godt parkeringsareal framfor hallen.


Brakka er no flytta bak hallen, og nytta til ekstra lagerplass for oppstallørar. Kioskbuda er flytta inntil hallen, og tribuna er flytta ned til ridebana.

Offisiell opning



Hestesportsanlegget vart offisielt opna i slutten av mai 2022, med snorklipp av varaordførar, showinnslag, open stall og bærneriding. Dette var ein suksess - vi hadde mange besøkjande og svært godt kiosksal.

Dugnad



Vi har hatt ein del dugnad knytt til nytt stallbygg og bygging av varmerom i ridehallen. Horving/vatning i hallen vart gjort på jamnleg basis på dugnad. Vi har også hatt ulike salsdugnader i 2021, med to kakesalg og sal av tennbrikettar.

Klubbtraktor



Klubben gjekk i 2022 til innkjøp av klubbtraktor for å kunne drifte anlegget meir rasjonelt. Nokre medlemmar har fått opplæring i bruk av klubbtraktoren, og har hatt ansvar for å frakte for/flis til klubbstallen og måke uteområdet.

Sponsorar



Vi har selt skilt plassar i ridehallen, og rosettar til inntekt for stallbygg. Klubben har elles fått gåvemedlar av ulikt slag, og styret har vore aktive i å søkje støtte hos ulike fond, stiftingar og bankar, med meir. Vi har fått støtte mellom anna til å arrangere rideleirar for juniormedlemmar, innkjøp av vatningsanlegg og oppsett av utebokser. Dei to sistnemnde prosjekta er enno ikkje fullfinansiert. Sparebanken Møre er fortsatt vår

hovudsponsor.


Vi fekk også støtte til montering av lydanlegg med Sparebank 1 som gjorde at vi no har fått montert utehøgtalarar på ridehallveggen mot ridebana og mot parkeringsplassen med Lydkjelleren.

Satsingsklubb



VRK har vore Satsingsklubb innan NRYF dei siste tre åra, og i 2022 var det på tide med fornying av statusen. Styret jobba med dette arbeidet utover hausten, og ved nyttår fekk vi tommel opp. Å vere Satsingsklubb inneber at vi har gode, skriftlege dokument og rutinar og eit breitt tilbod til medlemmane gjennom året. Vi har også ein klubbrettleiar i NRYF som vi kan spørje om ting vi lurar på. Han vil kome på besøk til oss våren 2023.

Ny ryttarkrins



Sogn og Fjordane
Ryttarkrins

Våren 2022 søkte styret i VRK til NRYF om å få bytte ryttarkrins til Sogn og Fjordane ryttarkrins, då denne krinsen har eit breiare tilbod innan treningar og stemner, og meir på det nivået våre medlemmar driv. Det er også rimelegare å reise til Sogn og Fjordane, med mindre ferjer. Krinsen har elles tilbod om KM og cupar i sprang, dressur og køyring. NRYF innvilga søknaden vår rett før sommarferien, etter at saka hadde vore på høyring til både gammal og ny krins. Vi vart ynskt velkomne inn i Sogn og Fjordane ryttarkrins i juni, med ei prøvetid på to år. Klubben var representert på terminlistemøtet i november, og fekk innvilga to D-stemner i dressur for 2023. begge desse inngår i dressurcupen.